

**Ljekarska komora Tuzlanskog kantona**

**- FOND OSIGURANJA OD PROFESIONALNE ODGOVORNOSTI**

**PRAVILNIK  
O FORMIRANJU I KORIŠTENJU SREDSTAVA FONDA OSIGURANJA OD  
PROFESIONALNE ODGOVORNOSTI LJEKARSKE KOMORE TUZLANSKOG  
KANTONA**

**Tuzla, oktobar 2024. godine**

Na osnovu člana 9. Statuta i zaključka Skupštine Ljekarske komore Tuzlanskog kantona, Skupštinsko vijeće je na sjednici održanoj dana 24.10.2024. godine usvojilo Pravilnik o formiranju i korištenju Fonda osiguranja od profesionalne odgovornosti Ljekarske komore Tuzlanskog kantona, čiji tekst glasi:

**PRAVILNIK  
O FORMIRANJU I KORIŠTENJU SREDSTAVA  
FONDA OSIGURANJA OD PROFESIONALNE ODGOVORNOSTI  
LJEKARSKE KOMORE TUZLANSKOG KANTONA**

**I) ZNAČENJE POJMOVA**

- 1) **OSIGURANI SLUČAJ:** SLUČAJ KADA LJEKAR OBAVLJAJUĆI SVOJU PROFESIJU POVRIJEDI PRAVILA ISTE, A ŠTO JE UTVRĐENO PRAVOSNAŽNOM SUDSKOM PRESUDOM.
- 2) **GODIŠNJA PREMIJA:** IZ REDOVNE ČLANARINE ZAPOSLENIH LJEKARA IZDVAJA SE 12,00 KM NA GODIŠNJEM NIVOU.
- 3) **LIMIT POKRIĆA:** GORNJA GRANICA SREDSTAVA KOJA ĆE BITI ISPLAĆENA NA NAČIN I POD USLOVIMA UTVRĐENIM U OVOM PRAVILNIKU U POJEDINAČNOM SLUČAJU.
- 4) **AGREGATNI LIMIT:** GORNJA GRANICA SREDSTAVA KOJA ĆE BITI ISPLAĆENA NA NAČIN I POD USLOVIMA UTVRĐENIM U OVOM PRAVILNIKU ZA SVE SLUČAJEVE U TOKU KALENDARSKJE GODINE.

**II) OPŠTE ODREDBE**

**Član 1.**

Pravilnikom o formiranju i korištenju sredstava Fonda osiguranja od profesionalne odgovornosti (u daljem tekstu: Pravilnik), članovi Ljekarske komore Tuzlanskog kantona uređuju: a) osnivanje Fonda, b) izdvajanje sredstava u Fond, c) upravljanje Fondom, d) korištenje sredstava Fonda, e) uslove za sticanje prava na sredstva Fonda, f) postupak za ostvarivanje prava iz Fonda, u slučaju kada član povrijedi odredbe pravila profesionalne odgovornosti tokom svoga rada.

#### **Član 2.**

Fond osiguranja od profesionalne odgovornosti datira u okviru Ljekarske komore Tuzlanskog kantona.

Sticanje prava na sredstva iz Fonda, kao i način ostvarivanja istih utvrđen je odredbama ovog Pravilnika.

#### **Član 3.**

Sredstva Fonda nalaze se na žiro-računima Ljekarske komore Tuzlanskog kantona i ista su utvrđena odlukom Skupštine Ljekarske komore Tuzlanskog kantona o usvajanju Finansijskog plana.

#### **Član 4.**

Ljekar koji je pristupio u članstvo Ljekarske komore Tuzlanskog kantona i zasnovao radni odnos, smatra se članom koji je osiguran sredstvima iz Fonda.

Lice koje ne izmiruje redovno članarinu Ljekarskoj komori Tuzlanskog kantona ne može koristiti sredstva iz Fonda.

#### **Član 5.**

Sredstva iz Fonda mogu se koristiti samo u one svrhe i na način koji je utvrđen ovim Pravilnikom.

### **III) SREDSTVA FONDA**

#### **Član 6.**

Sredstva Fonda formiraju se na slijedeći način:

- Odlukom Skupštine Ljekarske komore Tuzlanskog kantona o usvajanju Finansijskog plana za kalendarsku godinu koji podrazumijeva stavku FOND OSIGURANJA sa iznosom planiranim za tekuću godinu.
- Visina sredstva iz prethodnog stava formira se na osnovu članarine zaposlenih ljekara, čime se u Fond izdvaja 1,00 KM mjesečno (godišnja premija).
- Neurošena, a planirana sredstva iz ranijeg perioda prenose se u Fond za narednu godinu.

### **IV) KORIŠTENJE SREDSTAVA FONDA**

#### **Član 7.**

Sredstva Fonda mogu koristiti isključivo članovi Ljekarske komore Tuzlanskog kantona u slučaju kada su isti povrijedili odredbe pravila profesionalne odgovornosti u svome radu te im

je u postupku utvrđivanja odgovornosti izrečena pravomoćna sudska presuda kojom se obavezuju na namirenje štete, sudske i advokatske troškove.

#### **Član 8.**

Sredstva Fonda dodjeljuju se u vidu novčane naknade članovima Ljekarske komore Tuzlanskog kantona u visini od 3.000,00 KM po jednom slučaju (limit pokrića).

#### **Član 9.**

U toku prve godine od formiranja Fonda, maksimalan broj slučajeva, koji se mogu prijaviti Ljekarskoj komori Tuzlanskog kantona i za koje se mogu potraživati sredstva iz Fonda je šest (agregatni limit).

Za svaku narednu godinu, maksimalan broj slučajeva koji se mogu prijaviti Ljekarskoj komori Tuzlanskog kantona i za koje se mogu potraživati sredstva iz Fonda može biti i veći od šest (agregatni limit), a što zavisi od visine akumuliranih sredstava.

#### **Član 10.**

Pod osiguranim slučajem podrazumijeva se slučaj kada je ljekar, obavljajući svoju profesiju, povrijedio pravila iste, a što je utvrđeno u sudskom postupku koji je okončan pravomoćnom presudom kojom je član Ljekarske komore Tuzlanskog kantona zbog povrede pravila profesionalne odgovornosti proglašen krivim te se isti obavezuje na 1) namirenje štete oštećenom (pacijent ili porodica pacijenta) i 2) namirenje troškova postupka.

#### **Član 11.**

Sredstva utvrđena članom osam (8) mogu se koristiti jedanput u roku od pet godina, za vrijeme članstva u Ljekarskoj komori Tuzlanskog kantona.

#### **Član 12.**

Izvršni odbor ima obavezu da najmanje jednom godišnje razmotri finansijsko stanje u Fondu i da Skupštini predloži povećanje visine naknade u skladu sa materijalnim mogućnostima Fonda.

### **V) OSTVARIVANJE PRAVA ČLANOVA**

#### **Član 13.**

Član Ljekarske komore Tuzlanskog kantona ima pravo podnijeti zahtjev za novčanu naknadu uz uredno dostavljenu dokumentaciju za ostvarivanje prava na naknadu, predviđenu ovim Pravilnikom.

Uz zahtjev dostavlja slijedeću dokumentaciju:

- 1) pravomoćna sudska presuda kojom je član Ljekarske komore Tuzlanskog kantona zbog povrede pravila profesionalne odgovornosti proglašen krivim te se isti obavezuje

na: a) namirenje štete oštećenom (pacijentu ili porodici pacijenta) i b) namirenje troškova postupka.

#### **Član 14.**

Na osnovu dostavljenog zahtjeva i dokumentacije, predsjednik Ljekarske komore Tuzlanskog kantona, uz prethodnu saglasnost Komisije za ekonomsko-socijalna pitanja, donosi odluku o isplati novčane naknade iz sredstava Fonda, članu Ljekarske komore Tuzlanskog kantona, predviđene ovim Pravilnikom.

#### **Član 15.**

Član Ljekarske komore Tuzlanskog kantona koji nije zadovoljan odlukom predsjednika, može u roku od 15 dana od dana dostavljanja obavještenja o neispunjavanju uslova podnijeti prigovor Izvršnom odboru Ljekarske komore Tuzlanskog kantona za preispitivanje odluke. Odluka donesena na ovaj način je konačna.

#### **Član 16.**

Pravo iz ovog Pravilnika član Ljekarske komore Tuzlanskog kantona stiče samo ukoliko se povreda odredaba pravila profesionalne odgovornosti tokom rada, odnosno osigurani događaj, desio za vrijeme dok je bio član.

Pravo na podnošenje zahtjeva te ostvarivanje prava iz ovog Pravilnika član Ljekarske komore Tuzlanskog kantona gubi protekom roka od jedne godine od dana kada je sudska presuda postala pravomoćna.

## **VI) UPRAVLJANJE FONDOM**

#### **Član 17.**

Sredstvima Fonda upravlja Izvršni odbor na način da planira akumulaciju sredstava u Fondu kroz Finansijski plan za kalendarsku godinu te isti upućuje Skupštini na konačnu odluku.

Izvršni odbor:

- priprema izmjene i dopune Pravilnika,
- rješava o zahtjevima članova u drugom stepenu,
- sačinjava godišnji izvještaj Fonda i izvještaj o radu Fonda,
- izvršava i druge poslove u vezi sa radom Fonda, pridržavajući se zakonskih propisa o finansijskom poslovanju.

Predsjednik Ljekarske komore Tuzlanskog kantona u postupku i pod uslovima iz ovog Pravilnika, te po prethodnoj saglasnosti Komisije za ekonomsko-socijalna pitanja donosi odluku o korištenju sredstava.

Odluku predsjednika, po zahtjevu člana Ljekarske komore Tuzlanskog kantona preispituje Izvršni odbor.

Neiskorištena sredstva iz prethodne godine akumuliraju se u sredstva Fonda za narednu godinu.

Nadzor nad finansijskim poslovanjem i sredstvima Fonda vrši Nadzorni odbor.

#### **Član 18.**

Svi poslovi se vode putem žiro-računa Ljekarske komore Tuzlanskog kantona.

### **VII) PRELAZNE I ZAVRŠNE ODREDBE**

#### **Član 19.**

Izvršni odbor može predložiti Skupštini Ljekarske komore Tuzlanskog kantona da za naredni period obezbijedi osiguranje od profesionalne odgovornosti članova Ljekarske komore Tuzlanskog kantona na drugi način, osim akumulacije sredstava u Fond od profesionalne odgovornosti.

U tom slučaju, a u svrhu izmirenja eventualnih obaveza prema članovima Ljekarske komore Tuzlanskog kantona, raspoloživa sredstva Fonda neće se koristiti narednih pet godina.

#### **Član 20.**

Nakon proteka roka od pet godina, preostala sredstva Fonda na računima Ljekarske komore Tuzlanskog kantona mogu se koristiti u skladu sa odlukama Skupštine Ljekarske komore Tuzlanskog kantona.

#### **Član 21.**

Pravilnik o formiranju i korištenju Fonda osiguranja od profesionalne odgovornosti donosi Skupština Ljekarske komore Tuzlanskog kantona na prijedlog Izvršnog odbora.

Izmjene i dopune Pravilnika vrše se na isti način i po postupku kao i za njegovo donošenje.

#### **Član 22.**

Tumačenje odredaba ovog Pravilnika daje Skupština Ljekarske komore Tuzlanskog kantona.

#### **Član 23.**

Ukoliko ovim Pravilnikom nisu regulisana neka pitanja ili ako se utvrdi da su neke odredbe u suprotnosti sa Zakonom, primjenjivat će se zakonski propisi.

#### **Član 24.**

Zloupotreba korištenja prava iz ovog Pravilnika, smatra se materijalnom štetom i podliježe obavezi odgovornosti za tu štetu u skladu sa zakonom.

#### **Član 25.**

Ovaj Pravilnik stupa na snagu narednog dana od dana usvajanja od strane Skupštinskog vijeća po ovlaštenju Skupštine Ljekarske komore Tuzlanskog kantona.

**Predsjednica Skupštine**  
Prof.dr.med.sc. Renata Hodžić, dr.med.  
Tuzla, 24.10.2024. godine  
Broj: 1434/24

Pravilnik je objavljen na oglasnoj tabli Komore i web stranici [www.ljtk.ba](http://www.ljtk.ba) nakon što je potvrđen od strane Skupštinskog vijeća po ovlaštenju Skupštine Ljekarske komore Tuzlanskog kantona na sjednici održanoj dana 24.10.2024. godine.